



Na prestaziun ejemplara chëra mostrada le mercuri sëra te Copa Provinzia cuntra le Raas. La Val pita n bel jüch y se mostra de n nivel plö alt co le Raas. Le resultat de 2-0 é dessigü mirité.

La partida a ritm alt pëia ia cun i ladins al'atach. Le druch vëgn bel premié al 10[^] menüt, Max Nagler vëiga bun le cumpagn Adrian che se smarchëia dant, al prô de sorví l' atacant cun n palê alt che ti rōia avisa sön le pé. Le medemo Adrian controlëia y vega la trata sëcia te porta por le vantaje. Atira do le gol vëgn le 9 dl Raas sorví amez area por la trata al jore che ti rōia indere tles mans al verdaporta Julian. La Val respogn cun n pressing alt, al 30[^] fej le mezcamp pié ia le jonn Michele C. cun na passaja filtranta, al condüj le curan cuntra porta y prô a püc metri la trata de ciamp che rōia indere dlungia porta ia. Le jüch dominé dai ladins vëgn tosc architè dal arbiter por la fin dl prüm tēmp.

Le pröm tēmp se stlūj sön le vantaje de 1 a 0 por La Val.

Dala determinaziun di sogadus pon capí che un en gol ne basta nia te chēsta sēra. Alex E. se prejentēia ala puniziun tl piz dl'area dl Raas. La trata a bót sigü indirizada sön le pröm pé, passa de n nia dlungia ia. Le jüch dl Raas ne se sblochēia nia dl düt y i ladins le tēgn zeruch cun na gran presciun. Le radopl dl resultat röia spo al 65[^] cun Adrian. Le cumpagn Alex se fej lerch da na pert jö y mēt le palê bass amez por Adrian, chēsc ultim vëgn antizipé dal portier mo le curan ti sciampa fora dles mans, por Adrian ne él nia rî apogé le palê te rēi. La doplēta dl'atacant, che á bel segné l'ultima de campionat, porta plö segurté ai ladins. Le Raas se fej ciamó prigorius ti ultims menüc. Sön na crossada röia l'atacant a rebat de ce cuntra le pé de porta. Do chēsta tramurada sciūra le arbiter la fin dla partida. N bel resultat che pó gní aduré a vantaje di ladins por la partida de retüda ai 14 de novēمبر tl biotop a Raas.

La Val – Raas: 2-0

Formaziun La Val: 1. Julian Moling, 2. Luca Pescollderung, 3. Marco Castlunger - capitan, 4. Paolo Vallazza, 5. Egon Frenes, 6. Freddy Sottara, 7. Alex Elzenbaumer, 8. Max Nagler, 9. Adrian Miribung (dal 75[^] Marco Sottara), 10. Franz Tolpeit, 11. Michele Campeï (dal 75[^] Christian Dapoz)

Goi por La Val: Adrian Miribung al 10[^] y al 65[^]

Proscima partida: In sabeda ai 03 de otober dales 15:30 a San löre cuntra la squadra dl San löre Junior

Atri resultat de Copa Provinzia: (rode C)

30.09.2015 - Sexten - SEXTEN - PRETTAU 4:0

30.09.2015 - Niederdorf - NIEDERDORF - VAL BADIA 3:1

30.09.2015 - Wengen - LA VAL - RAAS 2:0

Insëra, mercuri ai 23 de aurì él gnü sughé l'andata dla semifinalla de Copa Provinzia cuntra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitê portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.